

Xeev Cov Ntsiab Qauv Kawm

KEV KAWM LUS ASKIV

Qib
7

Qhov kev pab koj txhawb koj tus me nyuam txoj kev kawm

Hauv qib xya, cov me nyuam kawm ntawv yuav npaj qhov kev muaj peev xwm los teev tej tim khawv tsim nyog ntxiv mus thaum txhais los yog tshawb xyuas ib phau ntawv nyeem hauv kev hais lus los yog kev sau ntawv. Koj tus me nyuam kuj yuav npaj tej lo lus ntxiv thaum nws nyeem cov dab neeg, cov yeeb yam, cov ntawv nyeem hais txog keeb kwm, cov paj huam, thiab cov ntawv nyeem thiab tej daim ntawv sau muaj ntsiab lus ntau yam. Tej yam yuav ua hauv cov kev kawm no yog xws li:

- Tshawb xyuas qhov hom los yog kev teeb zaj yeeb yam los yog zaj paj huam seb muab rau nws lub ntsiab tau li cas
- Tshawb xyuas qhov tej yam ntawm zaj dab neeg los yog zaj yeeb yan sib cuam tshuam mus los li cas
- Txiav txim xyuas qhov tus neeg sau npaj sau thiab piv cov kev xam pom ntawm cov neeg hauv zaj lus los yog cov qhia zaj lus hauv phau ntawv nyeem
- Ua me ntsis kev tshawb fawb los teb tej lo lus nug, uas yog muab los ntawm ntau qhov chaw
- Koom rau chav kawm cov kev sib tham nthuav tswv yim raws tej nqe lus thiab cov ntawv nyeem
- Txheeb tus neeg hais lus tej kev sib cam thiab tej lus aws tseg thiab luj xyuas tej txheeb lus thiab tim khawv tuaj tom qab ntawm tej lus aws tseg
- Siv tej lo lus qhia xws li tej cag lus los yog tej lus txis rau lo lus (xws li lo lus pib hyper-, uas txhais tau tias 'ntau dhau' nyob rau lo lus hyperactive thiab hypersensitive) los txiav txim xyuas lub ntsiab ntawm los lus
- Txhais cov paj lug los yog cov ntawv tim khawv rau cov ntaub ntawv nyeem los yog kev kawm txog tej dab neeg puag thaum ub hauv phau ntawv
- Sau rau ntau lub hom phiaj thiab ntau hom neeg nyeem

Ntawm no yog ob peb qhov piv txwv ntawm qhov koj tus me nyuam yuav npaj xyaum cov kev nyeem ntawv tseem ceeb nyob rau qib duas kawm.

Kev Nyeem Ntaub Ntawv

Qib Rau Kev Nyeem Ntawv	Qib Xya Kev Nyeem Ntawv	Qib Yim Kev Nyeem Ntawv
Cov me nyuam kawm ntawv txiav txim xyuas lub niam tswv yim los yog lub tswv yim tseem ceeb ntawm phau ntawv nyeem thiab qhov nws raug nthuav qhia li cas los ntawm txhua yam. Cov me nyuam kawm ntawv kuj muab tau lub ntsiab ntawm cov ntawv nyeem uas yog tsis muaj tus kheej tej tswv yim los yog kev txiav txim txuam.	Cov me nyuam kawm ntawv txiav txim xyuas lub niam tswv yim los yog lub tswv yim tseem ceeb ntawm phau ntawv nyeem thiab tshawb xyuas nws qhov kev npaj hauv ncuca sij hawm ntawm cov ntawv nyeem. Cov me nyuam kawm ntawv kuj muab tau lub ntsiab ntawm cov ntawv nyeem.	Cov me nyuam kawm ntawv txiav txim xyuas lub niam tswv yim los yog lub tswv yim tseem ceeb ntawm phau ntawv nyeem thiab tshawb xyuas nws qhov kev npaj hauv ncuca sij hawm ntawm cov ntawv nyeem, xws li nws qhov kev sib thooj/sib txawv rau cov neeg hauv zaj lus, qhov chaw, thiab zaj lus.
Cov me nyuam kawm ntawv piav qhov tus sau npaj tej kev xam pom ntawm tus piav zaj lus los yog tus hais lus hauv phau ntawv nyeem.	Cov me nyuam kawm ntawv tshawb xyuas qhov tus neeg sau npaj sau thiab piv cov kev xam pom sib txawv ntawm cov neeg hauv zaj lus los yog cov piav zaj lus hauv phau ntawv nyeem.	Cov me nyuam kawm ntawv tshawb xyuas qhov sib txawv hauv cov kev xam pom ntawm cov neeg hauv zaj lus uas ua rau siab nyob tsis tswm los yog tso dag tso luag.

Kev Nyeem Kom Paub Cov Ntsiab Lus

Qib Rau Kev Nyeem Ntawv	Qib Xya Kev Nyeem Ntawv	Qib Yim Kev Nyeem Ntawv
Cov me nyuam kawm ntawv teev tej tim khawv hauv cov ntawv nyeem los txhawb qhov kev tshawb xyuas ntawm tej yam cov ntawv nyeem hais meej meej thiab muab cov kev kwv yees lub ntsiab los ntawm cov ntawv nyeem.	Cov me nyuam kawm ntawv teev ntau qhov tim khawv hauv cov ntawv nyeem los txhawb qhov kev tshawb xyuas ntawm tej yam cov ntawv nyeem hais meej meej thiab muab cov kev kwv yees lub ntsiab los ntawm cov ntawv nyeem.	Cov me nyuam kawm ntawv teev tej tim khawv hauv cov ntawv nyeem uas txhawb qhov kev tshawb xyuas khov tshaj plaws ntawm tej yam cov ntawv nyeem hais meej meej thiab muab cov kev kwv yees lub ntsiab los ntawm cov ntawv nyeem.
Cov me nyuam kawm ntawv muab cov ntsiab lus tau nthuav qhia nyob hauv ntau hom xov xwm los yog cov ntawv sau (xws li duab, los yog nab npawb) los tso ua ke npaj qhov kev nkag siab ntawm nqe lus los yog qhov teeb meem.	Cov me nyuam kawm ntawv piv phau ntawv nyeem qhov sib thooj thiab sib txawv rau cov lus kaw, cov duab video, los yog ntau hom xov xwm ntawm cov ntawv nyeem, tshawb xyuas txhua hom xov xwm qhov kev piav ntawm hom ntawv kawm.	Cov me nyuam kawm ntawv luj xyuas qhov zoo thiab qhov tsis zoo hais txog kev siv ntau hom xov xwm (xws li tej ntawv luam, tej ntawv digital, tej duab video, los yog ntau hom xov xwm) los nthuav qhia nqe lus los yog lub tswv yim.

Kev Sau Ntawv

Cov kev sau ntawv hauv qib xya yuav muaj xws li cov dab neeg, daim ntawv sau, daim ntawv sau cej luam, thiab daim ntawv sau haub. Ntawm no yog ob pib qhov piv txwv ntawm qhov koj tus me nyuam yuav npaj cov kev xyaum sau ntawv tseem ceeb nyob rau txhua qib duas kawm.

Qib Rau Kev Sau Ntawv	Qib Xya Kev Sau Ntawv	Qib Yim Kev Sau Ntawv
Cov me nyuam kawm ntawv taw qhia nqe lus thiab npaj nqe lus muaj cov ntsiab lus, cov ntsiab lus ntshais, txhua yam tseem ceeb, cov lus lwm tus hais, los yog lwm yam ntsiab lus tsim nyog.	Cov me nyuam kawm ntawv taw qhia nqe lus meej heev, sub saib tej yam yuav tau ua raws, thiab npaj nqe lus muaj cov ntsiab lus, cov ntsiab lus ntshais, txhua yam tseem ceeb, cov lus lwm tus hais, los yog lwm yam ntsiab lus tsim nyog.	Cov me nyuam kawm ntawv taw qhia nqe lus meej heev, sub saib tej yam yuav tau ua raws, thiab npaj nqe lus muaj cov ntsiab lus, cov ntsiab lus ntshais, txhua yam tseem ceeb, cov lus lwm tus hais, los yog lwm yam ntsiab lus tsim nyog thiab xaiv tau haum.
Cov me nyuam kawm ntawv muab ib nqe lus los yog ib tshooj lus xaus uas yog raws qab los ntawm cov ntsiab lus los yog nqe lus piav muab nthuav qhia.	Cov me nyuam kawm ntawv muab ib nqe lus los yog ib tshooj lus xaus uas yog raws qab thiab txhawb cov ntsiab lus los yog nqe lus piav muab nthuav qhia.	Cov me nyuam kawm ntawv muab ib nqe lus los yog ib tshooj lus xaus uas yog raws qab thiab txhawb cov ntsiab lus los yog nqe lus piav muab nthuav qhia.
Cov me nyuam kawm ntawv teeb cov tswv yim, cov ntsiab, thiab cov ntsiab lus uas yog siv cov kev sau xws li kev txhais lub ntsiab lus, kev cais lus, kev piv qhov sib thooj/sib txawv, thiab kev ua tsub rau/qhov tshwm sim.	Cov me nyuam kawm ntawv teeb cov tswv yim, cov ntsiab, thiab cov ntsiab lus uas yog siv cov kev sau xws li kev txhais lub ntsiab lus, kev cais lus, kev piv qhov sib thooj/sib txawv, thiab kev ua tsub rau/qhov tshwm sim.	Cov me nyuam kawm ntawv teeb cov tswv yim, cov ntsiab, thiab cov ntsiab lus los ua ntau hom.
Cov me nyuam kawm ntawv siv cov kev sau lus txuas tsim nyog los qhia qhov sib thooj/sib txawv ntawm cov tswv yim thiab cov ntsiab meej heev.	Cov me nyuam kawm ntawv siv cov kev sau lus txuas tsim nyog los tsim kev sib haum ua ke thiab qhia qhov sib thooj/sib txawv ntawm cov tswv yim thiab cov ntsiab meej heev.	Cov me nyuam kawm ntawv siv ntau yam kev sau lus txuas tsim nyog los tsim kev sib haum ua ke thiab qhia qhov sib thooj/sib txawv ntawm cov tswv yim thiab cov ntsiab meej heev.
Cov me nyuam kawm ntawv siv cov lus haum thiab tej lo lus hauv hom ntawv kawm.	Cov me nyuam kawm ntawv siv cov lus haum thiab tej lo lus hauv hom ntawv kawm los qhia txog los yog piav nqe lus.	Cov me nyuam kawm ntawv siv cov lus haum thiab tej lo lus hauv hom ntawv kawm los qhia txog los yog piav nqe lus.

Pab Koj Tus Me Nyuam Kawm Thaum Nyob Sab Nrauv Ntawm Lub Tsev Kawm Ntawv

1. Muab sij hawm thiab qhov chaw rau koj tus me nyuam los nyeem ntawv ywj siab.
2. Nug koj tus me nyuam seb nws nyiam tej nqe lus, cov koob tsheej, los yog tej kev kawm zoo li cas. Ces mus nrhiav cov ntau ntawv hais txog cov nqe lus ntawd rau.
3. Nws tseem ceeb heev thaum koj tus me nyuam pom lwm tus neeg nyeem ntawv tom tsev. Nej muaj cuab kav yuav sib qhia tej yam nej nyeem.
4. Muab sij hawm rau kev sib tham. Sib tham txog tej txheej xwm nyuam qhuav muaj, sib qhia tej kev txaus siab, thiab cov kev ntshaw yav tom ntej no rau txoj kev kawm txuj thiab kev ua hauj lwm.
5. Mus xyuas cov tsev cia khoom qub txeeg qub teg, cov vaj tsiaj, cov tsev ua yeeb yam, cov chaw hais txog keeb kwm, cov tsev yug ntses, thiab lwm qhov chaw kawm txuj los pab txhawb koj tus me nyuam qhov kev nthuav tawm mus rau tej kev txawj ntse thiab tej lo lus tshiab.
6. Siv cov websites los nyeem tej phau ntawv los yog tej daim ntawv sau nyob online. Cov tsev saib ntawv kuj muaj computers uas cov me nyuam kawm ntawv muaj cuab kav yuav siv tau.

Koom Tes Nrog Koj Tus Me Nyuam Tus Xib Fwb

Muab lus nug rau koj tus me nyuam tus xib fwb, xws li:

- Kuv tus me nyuam cov ntau ntawv ua tau puas duav duas kawm tej kev npaj siab?
- Kuv tus me nyuam qhov ua tau zoo thiab qhov ua tsis tau yog dab tsi?
- Kuv muaj cuab kav yuav ua li cas tom tsev los xyuas meej kom kuv tus me nyuam kawm tau?

Yog xav paub ntxiv txog Xeev Cov Ntsiab Qauv Kawm Lus Askiv mus rau hauv <http://www.corestandards.org/ELA-Literacy> los yog <http://www.commoncoreworks.org>.